


KABA

6

AGBARTERE NƐ
KETUMBAYASHEN
BE KAWƆRƆ



ADANKARE BE KAWɔRɔ NE DANKARE BE KEJUNKPAR (KEWURAJI)

Adankarehen

KASOTOFUTI

Kaba ere bee lara efuli Ghana be ayiri be ketumbayashen nna a laɛ fobe dankare to be agbartere be elerkpa. Ku beɛn che fo to ne fo pin kusɔne ku bee bra agbartere ne amobe atunɔ. Kasɔbii ere bee leɛ fo to nna ne fo delge ketere sa be ekpaana be kepinto n shin bunyan fo ka shi Ghana na to, kumobe adankare ne ataada ne enɔgboɛ anyɔ. Kaba ere na malga kebir n wɔtɔ kenimuya to (ketumbaya) be ashen nna. Kelijima na beɛn ba laɛ ekpaana mone adaga pɔe ne bu fara kawɔrɔ, kawɔrɔ gbagba ne kumobe lalaluwe ashi fobe dankare ne Ghana be ngbar pɔteana kike be adankare to. Feeɛn naɛ bii atunɔ mone kawɔrɔ na kɔ n sa kebifolbi na, mobe kanaɛ ne kade na kike. Adaga fo ka tiɛ m buwito Ghana be ngbar pɔteana be ketumbayashen be amo ne a duli abar ne amobe mbarga to.

Ta n ya fo kumuba ere be lalaluwe, feeɛn tiɛ:

- Migto agbartere be elerkpa n shin tise amo to nene.
- Malga mbifolbi be kebir n wɔtɔ kenimuto (ketumbaya) be ekpaana be ashen. (pɔe ne bu fara, kawɔrɔ ne kumobe keluweto)
- Ta Ghana to be adankare be ekpaana be kebir n wɔtɔ kenimuto (ketumbaya) n kasar abarso n keni.

Kasɔbiikpra

- Agbartere bee shi kegbar ko kuto nna.
- Amo ne asotooso lempo e naa lie abar.
- A bee ɛini baasa ne baa ji amo na kanane bumo ne adankare lie abar nna.
- Ketumbaya la saɛ mone mbifolbi fo kakurwe nna.

- Ketumbaya be kawoꝛo ela kebir esa n woꝛo kachina to.
- Baa woꝛo ketumbayashen nna a sa benyen ne beche kike.

AGBARTERE

Atere ko woto nna ne anyee ji amo nkpal anye ne asotooso lempo ko ka lie abar so. Le be atere ne baa tere agbartere. Pɔe ne fo kraŋ agbartere be asheŋ, adaga fo ka pin aso ne agbar la.

Mane ela Agbar?

Ade la agbarnyenso nko agbarcheso nna. Agbar la asotooso lempo nna ne bumo ne bu yerda fane a ko eleŋ ko a kuŋ bumobe asheŋworo so ko bee bunyaŋ nko a shuŋ amo. Agbar ko ayoyul, bunyaŋ ne kebeso be eleŋ nna. Amo ne kaboreshuŋ be yerda ne kebesopoya e naa lie abar. A been tiŋ a la becheso nko benyenso. Amobe ako be akeniso ela Zeus, Apollo, Athena, Aphrodite, Artemis, ne adamta. Ashi Ghana to kaboreshuŋ nko ngbar kama ko agbar mone bu yerda nna. Ghana be agbar mone a gbugi be ako ela:

Ngbanya: Sonyoŋ be Kipo, Chama be Lansa, Busunu be Gbulo, Jukuku be Chembi/Lempo, Chermboe be Lata, Jindeyu, Jebuni, ne adamta.

Nkraŋto: Dantu, Nae, Sakumo, Koole, Klote, La Kpa ne adamta

Mboŋto: Kune, Tegare, Nyamaa, ne adamta.

Nwoŋto: Tambo, Gurigbaya, Jaagbo ne adamta.

Agbar mo a gbugi fobe efuliso?

Agbartere

Baa sa baasa agbartere nna nkpal kanane bu lar ne bumobe yerda so. Agbartere naa la atere mone mbuna ko, nde ko nko adankare ko nawule bee ji nna nkpal kanane bu lie loŋ be agbar na so.

Agbartere ko

Ade la agbartere be akeniso ko nna ashi Ghanaebi to:

1. Ashi Mbotoo to, Anloebi ne bu wo Volta be efuliso na bee shuŋ kegbar ko ne baa tere ‘Afa’ ne ku la nkpal be kegbir ne ekpalpo na la ‘Boko’ ne mobe sososo be kebinyenso bee ji ‘Amuzu’.
2. Ashi Mboŋ to, kegbar kama ne kumobe kache ne ku lie nna. Amoso bokwe to be kache mone bu kurwe esa e naa ŋini ketere mone baaŋ sa mo. ‘Adwo’ la Atania be kegbar nna loŋso ‘Adwoa’ la ketere ne baa sa eche ne bu kurwe Atania ache nna ne ‘Kwadzo’ la enyen peya.

Woro ania n tere esoso be agbartere ere n keni. Shine enjinipo e keni fane fo tere amo nene aa. Fo nyi agbartere ko be akeniso fobe efuliso aa?

Agbartere be elerkpa:

Agbartere be elerkpa kor abarto n shin be baasa mone ba ji amo na be yerda ne adankare so nna. Ashi Mboto to, agbartere be elerkpa ela Yeve (bore be keponde be kegbar), Mbony peya bee shi nchu be agbar to nna ne Dangme peya ko shi kakurwe be agbar to.

Fo nyi fobe ketere be elerkpa?

Kuso mone ku bee bra agbartere

Baasa bee ji agbartere nna nkpal aso damta so. Baan tin ta kegbartere n sa esa ne ku baa delge kegbar na be ashun so, ne baa sa ako male nkpal kegbar na be kekpal be kapor so. Ako male been tin a la kelenjo mone baa nye kegbar na to, ako male woto a lara efuli na be danjare efuli nko amone a bee nini kegbar na be kapor ne kumobe aworobi.

N naan ta n tiiso, eche ne enyen baa fin kakurwe a gben, baa yo kegbar to nna n ya kule kanye. Baa bo nta nna n shin nase kebia na kegbar na be ketere nkpal nta na so.

Agbartere be tuno

Agbartere ko tuno damta ashie anyebe abreshumpo be kebawoto to.

Atuno mone agbartere wuraana bee nye nde:

1. Kepin mananmanan. Agbartere bee cheto ne anyee pin kegbar mone esa bee shun ne kakpa ne esa shi.
2. A bee nini kanane esa na ne kegbar na lie abar nna.
3. Agbartere la kapite nna ne bedrapo nyeshi n sa kamantoebi ne a bee kun adankare.
4. Ku bee nini ketere na wura mo nawurana be yerda nna.
5. Ashi ayerda ko to, bu yerda fane kebaa ji kegbartere bee sa ele, kekun ne keyoyul to be kenimu nna.

Kushun 6.1

1. Ta fo gbagba be mmalgaba n ninito kusone ku la kegbar.

2. Kunyonyo/ntunso to, menye e sibe Ghana be adankare tere kudu n shin tise amobe agbartere na to.
3. Ta agbartere mone fo pin fobe ngbar to na n karga fo braana mone bumoale gba bee nu fobe ngbar na peya so. Blase ne fo ta fobe atuwebi n nini bebiipo kike ebiikpabu to.
4. Fo ko kegbartere fobe atere to aa? Kane fo ketere be elerkpa. Ne fo man ko kegbartere kumo ere fo sa kegbartere kama mone fo sibe (i) to na be elerkpa.

Kushun 6.2

Ta agbartere anu, amobe elerkpa ne kusɔ mone ku bra amo n luwe shabore ere to

	Ngbar	Kegbartere	Elerkpa	Maneso
1				
2				
3				
4				
5				

Kushun 6.3

1. Sa kusɔ konwule mo so ne fo tama fane baasa ne kegbar bee pe jina ashi fobe efuli so.
2. Sa atunɔ asa ne agbartere ko n sa baasa mone baa ji amo.

KETUMBAYASHEŊ BE KAWORO

Kaba ere bee ji kebir mbifolbi n woto kenimuya to nna a laje a yo ekpaana, asoworoaso mone baa woro **paɛ ne bu fara kaworo, kaworo gbagba ne kumobe lalaluwe ashi adankare pɔteana to.**

Mfara be mbishi:

Feej tiŋ nyiŋi eyur so be ncherga kike ne fee wu fobe mfe kudu n yo kudu ana be kefito aa?

Mane ela ketumbaya?

Saŋe ere la kebawoto to be jimane mone kebinyensobi nko kebichesobi bee dan a kii enyen nko eche mone e beenj tiŋ kurwe. Ku la kusɔ mone mbichesobi peya bee fara mfe kudu n yo mfe kudu ana to nna ne mbinyensobi male bee fara mfe kuduanyo n yo mfe kuduashe to. (ama buko peya bee kaa woro manan nko a cher pɔe a woro)

Mbichesobi be kaporto be ncherga

Ncherga mone bu peshe mbichesobi to be ako beenj tiŋ a la:

- Alento bee buwito nna
- Abembi/abemj bee dan a tiiso
- Afimu na bee kii kulkulbi
- Baa nye bumobe sososo be eyurpi/ntaman
- Anyipo be kegbul/kekɔr
- Abaatofuibi ne ngbaga be kejo/kekɔr

Mbinyensobi be kaporto be ncherga

Mbinyensobi be ncherga mone anyeenj tiŋ peshe be ako beenj tiŋ a la:

- Kututu ne awolbi be kedaŋ
- Abaatofuibi ne ngbaga be kekɔr
- Kagbene ne abatimu be kepargato
- Eblaŋnyifu be kedaŋ
- Ebol be kekii chinglinj
- Nteŋ be kedaŋeso
- Anishito be afuibi/katol be kekɔr

Aso ere bee ŋini nkpa to be saŋe ne baa tere **Ketumba** nna.

Ketumbaya be kaworo

Ketumbayashej la danfare be kebuloso nna ne baa ta esa a buloso ne ku bee ŋini mobe kelar kebia to n luri kenimuya to. Kede la kaworo nko danfare be

keshejworo mone ku be ketere be kesa so nna a lara kebinyensobi nko kebichesobi ashi kebia to a yo kenimuya to.

Shabore 6.1 kaseto ere bee nini kanane Ghana be ngbarana ko bee tere ketumbayashen be kaworo na.

Ngbar	Kanane ba tere beche be ketumbayashen	Kanane ba tere benyen be ketumbayashen
Ewe	Gbotowowo/Tugbewowo	Tudedeasi
Krobo	Dipo	
Fante	Bragor	
Twi	Bragoro	
Akpafu	Iseyi	
Ga	Otofo/ Otsentse	Plamatsemo/Butrumwwo/ Dentuwoo
Sissala	-	Baala
Vagla		Pellaa

Nuso ne ba tere ketumbayashen fobe dankare to? Benyen ne beche kike bee bulo kumo so aa? **Mane ela ketumbaya be kaworo?**

Kebir n woto la kebuloso nna ne baa ta esa a bulo a nini kachinato be eyilikpa be ncherga. Baan tin m bir esa n woto mamachi be ashun to, ashiri be ntun to nko kabreshun ko to. Ama kebir n woto mone anyee bir kumobe kelijima ere la kebir kebifolbi n woto kenimuya to ne baa tere ketumbayashen na nna.

Ketumbayashen be ekpaana

Nkpal adankare ka kor abarto so, ekpaana mone yiri kike bee buloso a woro kaworo ere gba maan ba la kukonwule. Keblase mone baa woro pae ne bu fara, kaworo gbagba ne kumobe lalaluwe ne bu delgeso kaseto ere na.

Keta Ketumbayashen N Kasar Abarso: Amo Ne A Duli Abar Nko A La Kukonwule

Beche be ketumbayashen

1. Pae ne ku fara

Benawuraana baay ya wu ncherga ko ashi mbifolbi cheso to, baa fara keblase ko nna.

Saɗe damta, kebichesobi na baay ya wu mobe sososo be eyurpi/ntaman, baa buloso ekpaana ere be ako nna:

- a. Sososo, baa barga mbichesobi na nna ashi bumobe nnaɗebi to ne bu bla bumo ase a jo ketumbayashen na.
- b. Kebichesobi na be baasa been kaɗe benimu na nko baasa mone baa woro kaworo na bumobe mfera.
- c. Bechenimu been kuɗ mbichesobi na n woto ebu koɗwule to n shin buwi bumo kenishi ta n laɗe adabi mone adaga eche mone e fo kakil ka ko ne e tiɗ n kata mobe laɗ nene.
- d. Baay ɗini bumo laɗ be kekata be ashuɗ fane kadaɗe, kafuwe, kafor, farfarbi ne adamta.
- e. Baa ɗini bumo enoto be ashuɗ fane klaɗ be kalɔ, ashembi be kaworo ne adamta na.
- f. Bu naa bii kanane baa cha n saa boɗ adankare be nshe na.
- g. Baa ɗini bumo kanane adaga bu ba kata bumobe amu keche ne kenyeɗ be kegama be kabaso nna saɗe ne bu kaay kil.

2. Kaworo na be saɗe/gbagba

Kaworo na to, echenimu nko esa ne e bee woro kumo na bee woro bumo kaseto be aso ere nna.

E bee blase nna n shin too nchu n ta mbia na n boɗ agbar eno ne kaworo na e tiɗ yo so nene. Kachutoo na be kaman, baa ta bumo nna a bulo adankare ere so:

- a. Keyoyul to be kechonkeni fane e kraa la tumba. Baa sa ne kebia na bee china kejembu nyoso so nna, a ber lor to nko kupo to, ne adamta.
- b. Esa na naa she bumobe amu nna.
- c. Mbia na bee china kabebi nko kawolbi so nna kaworo ere be saɗe.
- d. Baa sa bumo ajibi (kefule daɗeso, kujɔ mone bu puturto, ne adamta nna)
Bu ka for bumo so n luwe keyoyul to, baa bu bumo dankare be asobuuso, ashembi aso mietoso poteana nna.
- e. Baa tere kemaɗkura be nsher nna n sa bumo n woro bumo ansaɗ ne keba kenimuya to.

- f. Nsher na to, ba buu yawu be asɔbuuso nɛ ashɛmbi nna n lara bumobe eyurana efuli nɛ benyen na e wu n lara bumobe echefoso be beche bumo to.




Fig. 6.1: Mbichesobi ka bee bulɔ keyoyul be keforso be kawɔɔ so ashi 'Dipo' to be amfoni

Elerkpa:<https://www.gettyimages.com/detail/news-photo/girls-in-the-second-stage-of-dipo-initiation-news-photo/549028297?adppopup=true>

Kaseto ere la mbichesobi mone bu baɔɔ luwe kawɔɔ na be amfoni nna.




Fig.6.2. Mbichesobi ka wɔɔ ashɛmbi ketumbayashɛɔ be kawɔɔ na be lalaluwe be amfoni

Elerkpa: <https://www.gettyimages.com/detail/news-photo/girls-in-the-second-stage-of-dipo-initiation-news-photo/549028297?adppopup=true>.

Kawoꝛo na be kaman

- Kawoꝛo na be lalaluwe, benimu pupoꝛ na ne bumobe kanoᅅ ne beteri been nite n kulti n churo kade na ebi.
- Kade na to ebi bee sa benimu pupoꝛ na nke nna a woꝛo bumo ansaᅅ ne kumu lela bu ka tiᅅ woꝛo kawoꝛo na nene. Nke na be ako been tiᅅ a la amansherbi, ashembi, asoꝛbuuso, achimu ne adamta.



Fig. 6.3. Mbichesobi ka woꝛo kente be awaje ketumbayashen be kawoꝛo na be lalaluwe be amfoni

Elerkpa: <https://www.gettyimages.com/detail/news-photo/girls-in-the-second-stage-of-dipo-initiation-news-photo/549028297?adppopup=true>

Keta Ketumbayashen n Kasar Abar: Mbarga mone a wo Ghana be adankareana be kaworo to.

Adankareana na be kaworo mone a duli abar na be bushi, ako woto ne a la adankare ko nawule peya ne anyeen bir amobe kelijima kaseto ere.

Mboto be baasa

1. Ashi kade na ne kuso mo so ne ba woro kaworo na, kaworo na been tiy n ji fane bokwe konwule n ya fo kufol konwule.
2. Baa kun bumo na n woto lan gbagba na be kaman n shin kane bumo teriana ne bu ba wo bumo kuto a deni bumo anishi le be saje ere.
3. Kaworo na to, kefulo dageso na be keji bee jini kakurwe nna.

Krobo be baasa

1. Jimane ne bu ban yili Kasawule be kegbar (Nene Kloweki) be katilemu n bir kaworo na be kebombo na ne Kroboebi bee woro ketumbayashen (Dipo) a sa mbichesobi. Mbroni be kufol nyosepo to ne ba woro kumo ne ku bee ji nchenu.
2. Pae ne kaworo na e fara, mbichesobi na bumo nawuraana bee ta bumo nna a sa bumobe kabuna be enimu mone e bee woro 'Dipo' na.
3. Kaworo na to, enimu na bee too nchu nna n shin woro ademanshen damta n sa bumo hali bumobe amu be kaseto be kashe, kechina nwol so ne adamta.

Nkraŋ be baasa

1. Nkraŋ bee woro Otofo nna kebichesobi na ka du fimbi nko saje kama ne ku ba yili fane bu woro kumo.

Mboŋ be baasa

1. Kaworo na bee ji nche aburwa nna n saa fara Atania nko Atalata.
2. Pae ne kaworo na e fara, kade na be ewurche bee mige bumobe eyurso ne keyoyul to nna n keni bu kraa la atumba nko bu man ko adampo gba.

Nuso ne baa woro ketumbayashen fobe dankare mone fee bii to?

Benyen be ketumbayashen

Benyen be ketumbayashen man gbugi Ghana be adankare to. Gberebi mone baa woro ela Mboto be "Tudedesi", Nsisala be "Baala", Nkraŋ be "Plamatsemo/

Butrumwaa/Dentuwaa” ne Nvaglia be “Pella”. Benyen be ketumbayashen baan man la nsher be keshenwura ko nna. Mboto to, keta malfa n sa kebinyensobi na ne baa tere “Tudedeasi”. E ta malfa na a kuny mobe kanya n saa ji kekpa.

Ekpaana na be ako beenj tin a la:

1. Kebarga mbinyensobi na
2. Kebuwi bumobe anishi ta n laje kebinyenbi be kabaso, bumobe ashun ne bumo ne bumobe echefoso be beche be kegama be ashen.
3. Keta mbia na n luri kenimuya to.
4. Kebala bumo ase eyurto ne ayoyul to.
5. Adankareshen be kenini

Kade kama ne kumobe kaworo nna ne ku bee be bumobe yiri na be ayerda so.

Ketumbayashen be tuno

1. Ku bee nini kelar kebiito nna n luri kenimuya to.
2. Ku bee sa esa na kenya ne ku daga nna ne e tin keta eyilikpa pupor na.
3. Ku bee shine ekama bee pin fane esa na fo kakil nna na.
4. Ku bee bla mbia na ase eyurto ne keyoyul to nna.
5. Ku bee nini mbichesobi ne mbinyensobi adabi lela nna kachinato.
6. Ku bee nini bumo efuli na be adankareshen nna.
7. Ku bee kuny kebawoto jaga jaga ne kebaa gama kenya ne keche por n saa kil nna.
8. Kaworo na bee shine kebichesobi bee nye kemansherbi ne e beenj ta a kilgito echefoso nna.

Kushun 6.4

Sibe kanane ba tere benyen ne beche be ketumbayashen fobe ngbar to n shin chige fobe ketuwebi to n sa fo katu to ebi.

Kushun 6.5

1. a. Ne ntunso, menye e keni amfoniana ere nene n shin delgeso asobuuso mone bu ta n woro ketumbayashen be kaworo na. Menye e bir aso ne menyee sha ndon be kelijima.



Elerkpa: Mybrytfmonline.com/Obed Ansah (2021)



Elerkpa: cogadfw.org as cited in Ndeti (2018).



Elerkpa: Jubtrip as cited in Ndeti (2018).

- b. Dinito aso buuso kike ne bu ko a woro kaworo na be atuno nko kusone a bee nini.
2. Mbog be bragoro be vidiyo nde: <https://www.youtube.com/watch?v=zpTdownLmxN8>
 - a. Manɛ e na kaa woro pɔɛ ne kaworo na e fara?

- b. Keni ketumbayashen be vidiyo na n shine fobe lakal e ba wo aso ne baa woro kaworo na be saɛ ne kumobe kaman.
 - c. Tii ashenworo anyo mone fo peshe vidiyo na to:
 - i. kaworo na be saɛ
 - ii. kaworo na be kaman
 - d. Chigeto aso mone fo peshe vidiyo na to na n sa fo braana bebiipo n shin woto lakal ta n laɛ aso ne a duli abar ne amo ne a kor abar to ashi Ghana be yiri ko be ketumbayashen be kaworo be kabaso so.
3. a. Bii amfoni ere nene:



Elerkpa: Olivier Asselin as cited in Ndetei (2018)

- b. Ta kusone fo bii na n delge kusone ku bee woro na so?

Kushun 6.4

Dinito aso mone a duli abar anyo ne a mone a kor abarto anyo ashi baasa ne Ghana be ayiri pote anyo be ketumbayashen be kaworo to. Ta kusone fo nye na n nini fo barkasa ebiikpa.

Kushun 6.5

Fo ka la Ngbanyato be ebiipo ere, nini ketumbayashen be kaworo na be aso asa mone feen ba sha kecherga ne amo ne feen ba sha a ba kraa woto ne maneso ne feen woro loɲ. Ta kusone fo nye na n nini fo barkasa ebiikpa.

NWOLCHETOPO

1. *Agyekum, K. (2006). The sociolinguistic of Akan personal names. Nordic Journal of Akan studies 15(2) 206-235.*
2. *Nukunya, G.K. (2007). Tradition and change in Ghana: An introduction to sociology. Ghana Universities Press.*
3. *Twumasi, K.D. & Adade, C. (2019). Social studies in scope for JHS 1-3. Kindeh.*

Kepalto Be Mbishi

Agbartere be kepalto be mbishi

1. Sibe agbartere anu mone baasa ta n kii kana/kabuna be ketere ashi fo kana to nko kade to.
2. Sibe agbartere anu ne amobe elerkpa ashi Ngbanyato.
3. Sibe kegbarcheso kama ne fo nyi ne agbartere asa kama ne a lie kumo.
4. Sa kuson konwule mo so ne baasa been shuliso n sa kegbar n ta kumobe ketere n sa bumobe kebia ashi fobe efuli so.
5. Sa agbartere be atunasa n sa baasa mone baa ji amo.

Ketumbayashen be kaworo be kepalto be mbishi

1. Ta fo gbagba be kepinto n ninito kusone ku la ketumbayashen be kaworo.
2. Sa n shin buwito ketumbayashen be atunasa anu ashi fobe efuli so. Maneso ne a daga?
3. Ketumbayashen be kaba mone fo tama fane bu laje n keni kumobe ashen to? Buwi fobe ketuwebi na to.

Kepalto Be Mbishi Be Atuwebi

Agbartere be kepalto be mbishi be atuwebi

Kaseto ere la kepalto be mbishi na be atuwebi ko nna.

1. Agbartere be akeniso ko ela Sɔnyɔŋ be Kipo, Chama be Lansa, Busunu be Gbulo, Jukuku be Chembi/Lempo, Chermboe be Lata, Jindeyu, Jebuni

Agbartere mone baasa ko ta n kii kanaŋ be atere be ako nde:

Mbɔtɔ: Akakpo, Amuzu, Yewenyo, nɛ adamta

Mbɔŋ: Tano, Afram, Oti, Pra, nɛ adamta

2. Agbartere anu nɛ amobe elerkpa ashi Ghana to ela:

Ta agbartere anu nɛ amobe elerkpa n luwe shabɔre ere to.

	Kegbartere	Elerkpa	Manɛso
1	Akakpo	Ashi nkpal be kegbar nɛ baa tere ‘Afa’ na to	Ketere nɛ bu kɔ a sa Afa be kegbar na be esa be ebinyen sososo
2	Afram	Kache be kegbartere	Ketere nɛ bu kɔ a sa ebinyen nɛ bu kurwe Atalata
3	Kipo	Ashi Sɔnyɔŋ be kegbar to	Ebinyen nko ebiche nɛ bu kule Sɔnyɔŋ Kipo to.
4	Gbulo	Ashi Busunu be belejipo be kegbar to	Ebinyen nko ebiche nɛ bu kule Busunu be belejipo kuto.
5	Lata	Ashi Chermboe be kegbar to	Ebinyen nɛ bu kule Chermboe be kegbar to.

3. *Adwo* la Mbɔŋ be kegbarcheso tere nna.
4. i. Baasa nase nno agbar to nna nɛ bu baa nye kayurwishi kenishipre or ashenwieto be saŋɛ.

- ii. Ne bu ta bunyan ne kanyiŋi n sa agbar na nkpal amobe ashun damta mone a bee shun a sa bumo so.
 - iii. Ne bu baa ko keyoyul to be eleŋ.
 - iv. Ku la ku woro nna m buloso nno mone bu nase agbar na kuto nna.
- 5.
- i. Agbartere bee shin nna ne anyee pin kegbar mone esa bee bunyan.
 - ii. Agbartere ko adankare be achiŋ ga a cheto a kuŋ adrashen mone a ko tuno n sa agbartere worana.
 - iii. Agbar na ne baasa ne baa ji amobe atere na bee ko keyoyul to be konokonwule nna a bra yerda be daneso.
 - iv. Agbartere bee bra eleŋ, kekuŋ ne keyoyul to be eleŋ nna a sa baasa ne baa ji amo.
 - v. Kebaa ji agbartere bee bra konokonwule nna baasa mone baa ji amo to.
 - vi. Nkpal bedrapo ka bee yige agbartere a sa kamantoebi so, a bee kuŋ adrashen ne adankare nna ne a maa foe.

Ketumbayashen be kaworo be kepalto be mbishi be atuwebi

Kaseto ere la kepalto be mbishi na be atuwebi ko nna.

- 1.i. Ketumbayashen la dankare be kebuloso nna ne baa ta esa a bulo ne ku bee ŋini esa be kelar kebia to n luri kenimuya to.
 - ii. Ketumbayashen la dankare be kaworo mone ku bee ŋini kebichesobi nko kebinyensobi ka yili keshunguru nko kebrantia nna.
 - iii. Ketumbayashen la kaworo mone ba woro nna a bir kebichesobi nko kebinyensobi a woto kenimuya to.
2. Ketumbayashen be atuno ko ela:
- i. Ku bee leŋ mbichesobi to nna ne baa gelge kawa be ademu mone ku bee kuŋ adampo fofoe mone a been ta toro n le bumobe kanaŋ ne kade lelemu na kike so.
 - ii. Ku bee shine kebichesobi na bee nye amansherbi nna a kilgi to a tiŋ a yili mobe kumu so.
 - iii. Kaworo na bee cheto nna a kuŋ bumobe adankarashen nkpal mbia na ka bee bii kanane baa mieto adankare be kamie, kalaŋ, ncha ne adamta so.
3. Mboŋ mone adaga kelaŋe n keni-

- i. Sukuru be keyo sa nna ne mbichesobi damta ten ketumbayashen be kaworo ere so, lonso bu daa woro kumo poe ne mbia na bee fara sukuru be keyo da been ba wale.
- ii. Kaworo na be bejunkturpo daga ne bu woro ania nna a duwo kumobe nche na so.
- iii. Kebaa min kefula dageso lelemu na been tin bra shireti. Kede daga kelahe n keni.
- iv. Kebaa buwi mbichesobi na be anyipo so na been tin lahe apurma be alakal bumo so. Adaga bu baa buu bumobe eyurso nna nene.

ACKNOWLEDGEMENTS



Ghana Education Service (GES)

